



'O xhaxhai im, thuaj "la ilahe il-lallah" që me këtë fjalë të ndërmjetësoj për ty tek Allahu!'

Seid ibn Musejebi ka përcjellë nga babai i tij se ka thënë: "Profeti (paqja qoftë mbi të!) shkoi tek Ebu Talibi kur ai ishte në prag të vdekjes dhe pranë tij gjeti Ebu Xhehlin dhe Abdullah ibn Ebi Umeje ibn Mugiren. Ai i tha: 'O xhaxhai im, thuaj "la ilahe il-lallah" që me këtë fjalë të ndërmjetësoj për ty tek Allahu!' Menjëherë Ebu Xhehli dhe Abdullah ibn Ebi Umeje i thanë: 'A do të braktisësh fenë e Abdulmutalibit!' Profeti (paqja qoftë mbi të!) vazhdoi t'ia parashtronte kërkesën e tij dhe ndërkohë ata të dy vazhdonin t'ia përsërisnin fjalët e tyre, derisa fjalët e fundit që Ebu Talibi u tha atyre ishin se ai i qëndronte fesë së Abdulmutalibit dhe refuzoi të thoshte "la ilahe il-lallah". Profeti (paqja qoftë mbi të!) tha: 'Betohem për Allahun se do të vazhdoj të kërkoj falje për ty për sa kohë që nuk më ndalohej ta bëj!' Atëherë Allahu shpalli: "Nuk i takon profetit dhe atyre që kanë besuar që të kërkojnë falje për idhujtarët." (Teube,113) Allahu shpalli gjithashtu lidhur me Ebu Talibin dhe i tha të dërguarit të Tij: "Ti nuk udhëzon kë të duash, por Allahu është Ai që udhëzon kë të dojë." (Kasas, 56)

[Sahih] [Muttefek alejhi]

Profeti (paqja qoftë mbi të!) shkoi te xhaxhai i tij në kohën që ai po jepte shpirt dhe i tha: "O xhaxhai im, thuaj "la ilahe il-lallah" që unë të dëshmoj për ty para Allahut për këtë fjalë!" Në këtë çast, Ebu Xhehli dhe Abdullah ibn ebi Umeje thanë: "O Ebu Talib, po e braktis fenë e babait tënd Abdulmutalibit?! (E cila konsistonte në adhurimin e idhujve.) Ata vazhduan t'i flisnin atij, derisa fjalët e tij të fundit që tha ishin se ai i qëndronte fesë së Abdulmutalibit, fesë së politeizmit dhe idhujtarisë. Profeti (paqja qoftë mbi të!) tha: "Unë do të kërkoj falje për ty përderisa Zoti im nuk më ndalon ta bëj." Sakaq, Allahu i Madhëruar shpalli: "Nuk i takon Profetit dhe atyre që kanë besuar që të kërkojnë falje për idhujtarët edhe nëse ata janë të afërm, kur u është bërë e qartë se ata janë nga banorët e Zjarrit." (Teube,113) Lidhur me Ebu Talibin, u shpall: "Ti nuk udhëzon kë të duash, por Allahu është Ai që udhëzon kë të dojë. Ai e di më mirë se cilët janë të udhëzuarit." (Kasas,56) Pra, ti nuk e udhëzon dot atë që ti do që të udhëzohet. Ti ke për detyrë vetëm të kumtosh. Allahu është Ai që udhëzon kë të dojë.

النجاة الخيرية
ALNAJAT CHARITY

